



Bibliographische Daten

Titel: Noriberga illustrata und andere Städtegedichte
Ersteller: Helius Eobanus Hessus
Signatur: Amb. 8. 1388

Die Nutzung der Digitalisate von gemeinfreien Werken aus den Sammlungen der Stadtbibliothek im Bildungscampus Nürnberg ist gemäß den Bedingungen der [Creative-Commons-Lizenz Public Domain Mark 1.0](#) uneingeschränkt und kostenfrei erlaubt.

Im Sinne guter wissenschaftlicher Praxis wird gebeten, bei der Verwendung von durch die Stadtbibliothek im Bildungscampus überlassenen Digitalisaten stets die Quellenangabe in folgender Form zu verwenden: Stadtbibliothek im Bildungscampus Nürnberg, [Bestandssignatur + Blatt/Seite]

Im Interesse einer laufenden Dokumentation und der Information für Benutzerinnen und Benutzer erbittet die Stadtbibliothek die Überlassung von Belegexemplaren oder Sonderdrucken von Veröffentlichungen, die aus der Benutzung von Handschriften und anderen Medien in den historischen Sammlungen der Stadtbibliothek hervorgegangen sind. Sollte eine Abgabe nicht möglich sein, wird um Mitteilung der bibliographischen Daten der Publikation gebeten.

lucem splendoremque fugientis iustam gloriam, qui
 fructus est verae virtutis honestissimus, repudiare.
 Quamquam scio, quo maiore animo fructus honestatis
 in conscientia quam in fama reponatur, quid propterea
 5 vetat, si recte facta sequi voluerit, eam aequo animo
 admitti? Sicut enim appeti fortasse non debet, ita neque
 sponte adveniens extrudi. Et cur recta conscientia
 [Aiiija] honestae famae testimonium asper-|naretur, cum mala
 etiam invita nolensque suos testes sit habitura? Sed
 10 quorsum haec tam longa oratio de rerum historiarum-
 que conditoribus, de laude ac fama non repudianda?
 In hunc finem, ornatissimi prudentissimique viri
 Lipsenses, omnia haec a me dicuntur, non ut doceam
 vos, sed ut vestram laudem vos ipsos respicere ali-
 15 quando atque agnoscere cogam, quorum prudentia
 singularis virtusque egregia ut in ceteris omnibus
 ita quoque in hoc genere non mediocriter entescit,
 qui in fovendis bonis artibus ornandisque excellentium
 virorum ingeniis nulli non dicam urbium sed ne gentium
 20 quidem studio conceditis. Hi mores vestri, praestan-
 tissimi honestissimique viri Lipsenses, adeo me vobis
 iam pridem devinxerunt, ut assidue mecum cogitem,
 quo meo labore meisque vigiliis nomen Lipsensium
 alioqui per se inlustre satis mansuris, ut ita dicam,
 25 vocibus tradam. Idque me repperisse propemodum
 iam arbitror, sed donec illud parturiam, quaeso hoc
 nostrum, viri humanissimi, de vestrae urbis apparatus
 carmen vestro nomini dedicatum a me non minus
 religiose quam si Musis ipsis dedicandum fuisset
 30 fronte, ut soletis, serena legite atque suscipite. Valete,
 optimi atque humanissimi viri Lipsenses, et me vestri
 honoris, nominis, dignitatis studiosissimum vobis com-
 mendatum habete. Anno MDIII. XV. K. Novembres.